

影印
文淵閣

四庫全書

影印

文淵閣四庫全書

第一〇七七冊

北京出版集團公司
北京出版社

本冊目次

五百家註柳先生集

唐 柳宗元撰

看柳文綱目

柳先生年譜

宋 文安禮撰……………一

評論詁訓諸儒名氏

新編外集

龍城錄

宋 魏仲舉編

附錄

劉賓客文集

外集

唐 劉禹錫撰……………三三三
宋 宋敏求輯補……………三三三

呂衡州集

唐 呂溫撰……………五九五

欽定四庫全書

集部

五百家註柳先生集

御題

卷三

詳校官監察御史邱文愷
檢討臣何思鈞覆勘

總校官編修臣王燕緒
校對官編修臣孫希旦
謄錄監生臣朱汶

五百家註昌黎集實宋槧之佳者柳子厚集雖亦五百

家註版式行款標題並同而紙色墨香遜韓集遠甚且

正集廿二卷以下至末皆闕又改目錄終以彌縫之更

非完善第柳集註刊本今鮮存者亦覺片羽可珍惟當

居韓之次耳附識題韓集詩之後並書冠此集卷端

乾隆甲午仲秋御筆

欽定四庫全書

御題

五百家註柳先生集

一

欽定四庫全書

集部二

五百家註柳先生集

別集類一 唐

提要

臣等謹案五百家註柳先生集二十一卷唐柳宗元撰宗元集劉禹錫稱編次為三十二通至宋初穆修好其文復為刊行之其後方崧卿鄭定張敦頤等各為訓釋卷目遞有增損此本乃南宋慶元中建安魏仲舉所輯五

欽定四庫全書

五百家註柳先生集

百家註與昌黎集並刊於家塾者前有評論

訓話諸儒姓氏一篇檢核實不足五百家之

數書中所列有集註有補註有音釋有解義

又有孫氏童氏張氏韓氏諸解此外亦罕所

徵引蓋宋人輯書喜誇採摭之富所云家數

固不足盡憑然蒐羅究為繁富書後新編外

集三卷乃原集未錄之文共二十五首附錄

四卷則羅池廟牒及崇寧紹興加封告詞之

類而法言註五則亦在其中疑即方崧卿所

裒集者又附以龍城錄二卷而柳文綱目文

安禮年譜則俱冠之卷首其中如封建論後

附載程敦夫論一篇又楊雄酒箴李華德銘

屈原天問劉禹錫天論之類亦俱采摭附入

其體例與韓集稍異雖編次業雖不無繁冗

而旁搜遠引斤斤以博學詳說為務殊有足

資考訂者且其繫錄最精在宋代舊刻中尤

欽定四庫全書

五百家註柳先生集

稱善本今流傳五六百年而紙墨如新神明

煥發復得與昌黎集註聯珠合璧同為

秘府之儲是固可為寶貴也乾隆四十六年十

二月恭校工

總纂官臣紀昀臣陸錫熊臣孫士毅

總校官臣陸費墀

耆柳文綱目

呂居仁云韓退之文渾大廣遠難窺測柳子厚文分明見規摹次第初學者當先學柳文後熟韓文則工夫自易爾

浮休先生云扶導聖教剷除異端以經常為己任死而無悔韓愈一人而已非獨以屬辭比事為工也如其祖述典墳憲章騷雅上轢三古下籠百氏極萬變而不華會衆流而有居迫然沛然橫行闊視於綴述之場子厚

欽定四庫全書

五百家注柳先生集
綱目

二

其人也彼韓子者特以醇正高雅凜然無雜乃得與之齊名爾必也兼誦博記馳騫奔放則非柳之敵

陳長方云柳子厚之才韓退之有所不逮但韓公下筆便以三代為法其文章如人少年暮年毛髮不同而風儀皆此人也子厚在中朝時尚有六朝規矩讀之令人鄙厭至永州以後始以三代為師至淮西一事退之作碑子厚作雅逞其餘力便覺退之不逮子厚直一日千里也死於元和十四年退之長慶間著述覺子厚瞠若

其後耳余嘗以三言評子厚文章曰其大體如紀渚子養鬪雞在中朝時方虛驕而恃氣永州以後猶聽影響至柳州後望之似木雞矣

邵氏聞見錄云韓退之之文自經中來柳子厚之文自史中來

金華先生程子山曰前輩謂退之子厚皆於遷謫中始收文章之極功蓋以其落浮誇之氣得憂患助言從字順遂造真理耳

欽定四庫全書

五百家注柳先生集
綱目

二

東坡云子厚詩在陶淵明下韋蘇州上退之豪放奇險則過之而溫麗靖深不及也


柳先生年譜

柳氏之先自黃帝歷周魯孝公子夷伯展孫無駭生禽
為魯士師謚曰惠食米於柳下遂姓柳氏楚滅魯仕楚
秦并天下柳氏遷於河東秦末柳下惠裔孫安始居解
縣安孫隗漢齊相六世孫豐後漢光祿勳六世軌晉吏
部尚書生景猷晉侍中二子者純者號西春
純號東春著汝南太
守二子恭璩恭後魏河東郡守南徙汝潁遂仕江表曾
孫緝宋州別駕宋安郡守生僧習與豫州刺史裴叔業
欽定四庫全書

五百家註柳先生集

據州歸於後魏為揚州大中正尚書

世系



代宗大歷八年癸丑

子厚生代宗之十一年也

九年甲寅

十年乙卯

十一年丙辰

集有先太夫人盧氏歸祔誌云宗元始四歲居京城
西田廬中先君在吳家無書太夫人教古賦十四首
皆諷傳之即此年也

欽定四庫全書

五百家註柳先生集
年譜

三

十二年丁巳

十三年戊午

十四年己未

德宗建中元年庚申

二年辛酉

三年壬戌

四年癸亥

興元元年甲子

貞元元年乙丑

按唐本紀德宗興元元年二月甲子李懷光反貞元
元年八月甲戌伏誅是年有為崔中丞賀平李懷光
表劉夢得作集序云子厚始以童子有奇名於貞元
初

二年丙寅

三年丁卯

四年戊辰

欽定四庫全書

五百家註柳先生集
年譜

四

五年己巳

與楊誨之書云吾年十七求進士即此年也有為文
武百官請復尊號表三首

六年庚午

是年有與權補闕書註云時年十八為文武百官請
復尊號表三首又大會議表二首

七年辛未

八年壬申

是年貢於京師見送苑論詩序云八年冬余與馬邑
苑言揚聯貢於京師是歲小司徒顧公守春官之缺
而權擇士之柄明年春同趨權衡之下並就重輕之
試二月丙子有司題甲乙之科揭於南宮余與兄又
聯登焉

九年癸酉

是年登進士第集有先侍御史府君神道表云貞元
九年宗元得進士第上問有司曰得無以朝士子冒

欽定四庫全書

五百家類稿先生集

五

進者乎有司以聞上曰是故抗姦臣實參者耶吾知
其不為子求舉矣是年有送苑論詩序

十年甲戌

十一年乙亥

十二年丙子

按唐史言宗元少精敏絕倫為文章卓偉精緻一時
輩行推仰第進士博學弘辭科授校書郎調藍田尉
其與楊誨之書云吾年二十四求博學宏辭即貞元

十二年也是歲有終南山祠堂碑太白山祠堂碑邠
寧進奏院記與大理崔少卿啟叔父殿中侍御史柳
公墓表叔妣陸氏夫人遷祔誌萬年縣丞柳君墓誌
監察御史周君墓表

十三年丁丑

十四年戊寅

與楊誨之書云二十四求博學弘辭二年乃得仕蓋
此年也

欽定四庫全書

五百家類稿先生集

六

十五年己卯

是年有柳常侍行狀亡妻弘農楊氏誌國子司業陽
城遺愛碣與太學諸生書書之首云二十六日集賢
殿正字柳宗元則子厚是時蓋在書府也有辯侵伐
論註云在集賢院為徵天下兵討淮西作

十六年庚辰

是年有賀嘉瓜白兔等表溫縣主簿韓君墓誌伯祖
妣李夫人墓誌亡姊裴氏夫人墓誌

十七年辛巳

是年有南嶽雲峯寺和尚碑叔父祭六伯母文亡姑
陳氏夫人墓誌

十八年壬午

是年有武功縣丞壁記盤屋縣新食堂記京兆府請
復尊號表三首為耆老等請復尊號表為京畿父老
上宰相狀為京畿父老上尹狀亡友校書郎獨孤君
墓誌

欽定四庫全書

五百家註柳先生集

七

十九年癸未

是年為監察御史裏行劉夢得集序云十有九年為
材御史是也有讓監察御史狀禮說朝日說為李京
兆祭楊郎中文兵部楊君墓碣弘農令柳府君墳前
石表送文暢上人序

二十年甲申

是年有監察使壁記南嶽般舟和尚第二碑祭李中
丞文尚書戶部郎中魏府君墓誌

順宗永貞元年乙酉

順宗以貞元二十一年正月丙申即位三月癸巳立
廣陵郡王為皇太子有賀立皇太子表八月庚子立
皇太子為皇帝自稱太上皇有百寮賀表辛丑改元
永貞有賀改元赦表乙巳憲宗即位有即位禮畢賀
表賀冊太上皇后及禮畢表請聽政表三首是年入
尚書為禮部員外郎與蕭俛書云僕當時年三十三
甚少自御史裏行得禮部員外超取顯美欲免世之
求進者怪怒媚嫉其可得乎蓋是年子厚年三十三
也以王叔文黨貶邵州刺史又貶永州司馬有陳給
事行狀戶部侍郎王公太夫人劉氏墓誌潞州兵曹
柳君墓誌

欽定四庫全書

五百家註柳先生集

八

憲宗元和元年丙戌

正月丁卯大赦改元有賀改元赦表劍門銘嚴東川
啓先侍御史府君神道表東明張先生墓誌陸文通
先生墓表連州司馬凌君權厝誌哭連州凌司馬詩

二年丁亥

有懲咎賦送趙大秀才往江陵序先太夫人盧氏歸
附誌

三年戊子

有貞符非國語與呂道州書與王參元書答吳武陵
書同吳秀才贈李睦州詩序貞符序言臣所貶州有
流人吳武陵為臣言董仲舒對三代受命之符而元
和四年有與楊京兆書云去年吳武陵來美其齒少

欽定四庫全書

五百家注柳先生集

九

才氣壯健可以興西漢之文章則吳武陵之來永州
蓋在是年也有龍安海禪師碑凌君墓後誌送婁圖
南遊淮南序酬婁秀才早秋月夜病中見寄酬婁秀
才將之淮南見贈之作遊南亭夜還叙志七十韻特
進南公睢陽廟碑

四年己丑

是年子厚年三十七在永州有與裴墀蕭俛李建楊
京兆許京兆等書與蕭書云人生少得六七十者今

已三十七矣與李書云前過三十七年與瞬息無異

又云裴應叔蕭思謙各有書足下求取觀之應叔墀
也思謙俛也與楊京兆書云永州多火災五年之間
四為大火所迫答許京兆書云伏念得罪來五年未
嘗有故舊肯以書見及者則子厚自永貞元年貶至
是五年也又有為南承嗣請從軍狀送南涪州量移
澧州序送內弟盧遵遊桂州序寄桂州李中丞薦盧
遵啟新作法華寺西亭記始得西山燕遊記鉅鉅潭

欽定四庫全書

五百家注柳先生集

十

記鉅鉅西小丘記丘西小石潭記小姪女子墓博記
五年庚寅

是年有與楊州李相公第二啟與楊誨之書說車贈
楊誨之送從弟謀序讀韓愈所作毛穎傳後題太府
李卿外婦馬淑誌趙秀才羣墓誌下殤女子墓博記
聞藉田有感詩

六年辛卯

有上西川武相公啟報與楊誨之書為柳公綽謝上

表祭呂化光文衡州刺史東平呂君誄試大理評事

柳君墓誌同劉二十八哭呂衡州詩

七年壬辰

有賀皇太子牋上嶺南鄭相公啟弘農公左官三歲復為大僚獻詩五十韻送崔策序武岡銘袁家渴記石渠記石澗記小石城山記永州刺史崔君權厝誌祭崔使君文

八年癸巳

欽定四庫全書

五百家註柳先生集

十一

有逐畢方文黃溪記鐵鑪步志答韋中立書呂侍御墓誌祭呂敬叔文

九年甲午

有囚山賦起廢答段太尉逸事狀與韓愈書上河陽烏尚書啟毀鼻亭神記文宣王道州廟碑南嶽大明寺律和尚碑湘源二妃廟碑處士段弘古墓誌詔追赴都迴寄零陵親故詩過衡山見新花開却寄弟詩汨羅遇風詩北還登漢陽北原題臨川驛詩界圍巖

水簾詩戲贈詔追南來諸賓詩

十年乙未

有詔追赴都二月至灞亭上詩云十一年前南渡客四千里外北歸人又酬賓員外見促行騎詩云投荒垂一紀新詔下荆扉蓋子厚之貶至是十一年也退之墓誌云元和中嘗例召至京師又皆出為刺史而子厚得柳州有衡陽與夢得分路贈別詩重別夢得分詩三贈詩再上湘江詩其贈別詩云十年顛賴到秦

欽定四庫全書

五百家註柳先生集

十二

京誰料翻為嶺外行而夢得分酬贈詩云去國十年同赴召渡湘千里又分歧重臨事異黃丞相三黜名慚柳士師蓋夢得初貶連州後赴召例授播州子厚以播地遠夢得親老欲拜疏以柳易播會大臣亦有為夢得分言者遂改授連州故詩有重臨之語子厚以是年三月徙柳州六月到任有柳州謝上表柳州舉自代狀柳州上中書門下狀雷塘禱雨文萬石亭記記柳州山水近治可遊者誌從父弟宗直殯祭弟宗直

文先聖文宣王柳州廟碑大鑒禪師碑大鑒者佛氏之第六祖也東坡居士云柳子厚南遷始究佛法作曹溪南嶽諸碑妙絕古今長老重辨師儒釋兼通道學純備以謂自唐至今頌述祖師者多矣未有通亮簡正如子厚者唐史元和中馬總自虔州刺史遷安南都護徙桂管經略觀察使以碑攷之蓋自安南遷南海非桂管也可以正唐史之誤

十一年丙申

欽定四庫全書

五百家註柳先生集

十三

欽定四庫全書

五百家註柳先生集

十四

有井銘祭井文寄韋珣詩別舍弟宗一詩韓漳州書報澈上人亡因寄詩聞澈上人亡寄楊侍郎文詩按劉夢得靈澈集序云元和十一年終於宣州開元寺即此年也別宗一詩云一身去國六千里萬死投荒十二年自永貞元年至是十二年矣

十二年丁酉

有代李愬袁州謝上表復大雲寺記東亭記祭楊詹事文朗州司戶薛君妻崔氏墓誌第郭師墓誌其誌

云丁酉之年秋既季即是年九月也

十三年戊戌

有平淮夷雅上裴門下啟上襄陽李僕射啟與邕管李中丞啟為裴中丞乞討黃賊上裴相狀為裴中丞伐黃賊轉牒上李夷簡書答杜溫夫書萬年令裴府君墓碣襄陽丞趙君墓誌上夷簡書云宗元曩者齒少心銳徑行高步不知道之艱以陷乎大阨窮蹟墮墜廢為孤囚日號而望十四年矣獻淮夷雅表曰臣負罪竄伏違尚書牋奏十有四年蓋自始貶至今十四年韓退之羅池碑云侯為州三年柳民既皆喜悅嘗與其部將魏忠謝寧歐陽翼飲酒驛亭謂曰吾棄於時而寄於此與若等好也明年吾將死死而為神後二年為廟祀我及期而死其與部將飲酒驛亭蓋此年也

十四年己亥

是年李師道伏誅有賀破東平表為裴中丞賀破東

平表賀東平赦表賀分淄青為三道表禮部賀冊尊
號表為裴中丞謝討黃賊表答鄭員外賀啟答諸州
賀啟上中書門下狀上裴相狀上裴中丞狀管家洲
亭記韋夫人墳記嶺南鹽鐵李侍御墓誌邕管李中
丞墓誌處士裴君墓誌試大理評事裴君墓誌秘書
郎姜君墓誌按唐史吳武陵傳云初宗元謫永州而
武陵亦坐事流永州宗元賢其人及為柳州刺史武
陵北還大為裴度器遇每言宗元無子說度曰西原

欽定四庫全書

五百家註柳先生集

卷五

蠻未平柳州與賊大牙宜用武人以代宗元使得優
游江湖又遺工部孟簡書曰古稱一世三十年子厚
之斥十二年殆半世矣霆砰電射天怒也不能終朝
聖人在上安有畢世而怒人臣耶且程劉二韓皆已
投拭或處大州劇職獨子厚與獠鳥為伍誠恐霧露
所嬰則柳氏無後矣度未及用而宗元死武陵此書
蓋在元和十一年又三年而子厚死矣墓誌云子厚
以元和十四年十月五日卒年四十七明年七月十

日歸葬萬年先人墓側

柳文年譜後序

昔之論文者或謂文章以氣為主或謂文窮而益工先
生與楊憑書亦曰凡為文以神志為主又云自貶官來
無事讀百家書上下馳騁乃少得知文章刺病先生自
妙齡秀發連中異科繼登臺省旋遭斥逐故予以先生
文集與唐史參攷為時年譜庶可知其出處與夫作文
之歲月得以究其辭力之如何也紹興五年六月甲子

欽定四庫全書

五百家註柳先生集

卷六

知柳州軍州事潞國文安禮序

柳集所收評論詰訓諸儒名氏

唐

燕山劉氏

名駒撰
舊書傳

蔣氏

名係撰
舊書贊

中山劉氏

名錫字夢得編纂柳集作序
并祭文與公以文字往來見集

安定皇甫氏

名湜字持正
有祭公文

東平呂氏

名溫字和叔一字化光
與公以文字往來見集

宋

欽定四庫全書

五百家註柳先生集
評論訓詁諸儒名氏

河南宋氏

名祁字子京撰新史
本傳餘議論見文集

廬陵歐陽氏

名修字永叔撰新史紀志表餘
議論見集古錄諸序并文集

徂徠石氏

名介字守道
議論見唐鑑

陽翟孫氏

名甫字之翰撰
論見唐論斷

成都范氏

名祖禹字純甫
議論見唐鑑

橘林石氏

名志字敏若撰論見唐史
發揮或云發揮鄭少微作

建安王氏

名崇字次山撰唐書訓
辨十卷及注唐文八卷

竇氏

名革撰唐
書音辨

涑水司馬氏

名光字君實撰論見
通鑑及考異并文集

京兆劉氏

名恕字道
原議論

河東柳氏

名開字仲塗
撰論見文集

河南穆氏

名修字伯長校
柳集作後序

尹氏

名洙字師魯
撰論見文集

臨川晏氏

名殊字同叔
校正柳文集

王氏

名安國字
平甫撰論

金陵王氏

名安石字介甫
撰論見臨川文

欽定四庫全書

五百家註柳先生集
評論訓詁諸儒名氏

眉山蘇氏

名洵字明允撰
論見老泉文集

蘇氏

名軾字子瞻撰
論見東坡文集

蘇氏

名轍字子由撰
論見穎濱文集

九江夏氏

名竦字子喬
撰論見文集

蘇氏

名過字叔黨撰
論見斜川文集

南豐曾氏

名鞏字子固
撰論見文集

曾氏

名肇字子開
撰論見文集

淇水李氏

名清臣字邦直
撰論見文集

盱江李氏名觀字泰伯
議論見文集

豫章黃氏名庭堅字魯直
議論見文集

宛丘張氏名耒字文潛
議論見文集

淮海秦氏名觀字少游
議論見文集

北山陳氏名師道字无已一字
履常議論見文集

濟北晁氏名補之字无咎議論見
離騷諸序餘見文集

濟南李氏名厲字方叔
議論見文集

眉山唐氏名庚字子西議
論見魯國文集

欽定四庫全書

五百家註柳先生集
評論刻帖諸儒名氏

龜山楊氏名時字中立
議論見語錄

陳氏名長方字齊之
議論見語錄

鄒氏名浩字志完
議論見語錄

謝氏名諤字昌國
議論見語錄

石氏名大任字安世
議論見語錄

尹氏名焞字彥明
議論見語錄

孔氏名武仲字常父
議論見語錄

扶風馬氏名才字子才
議論見文集

蜀郡鄭氏名少微字明舉
議論見文集

朱氏名水間居錄
議論見秀

張氏名舜民字共叟
議論見畫墁集

王氏名得臣議
論見塵史

張氏名俞字少
愚議論

沈氏名括字存中
議論見筆談

胥山沈氏名晦校柳
文撰後序

東萊呂氏名本中字
居仁議論

欽定四庫全書

五百家註柳先生集
評論刻帖諸儒名氏

若溪胡氏名仔議論見
漁隱叢話

曾氏名墨間錄
議論見萃

周氏名字少隱議論
見楚辭贅說

洪氏名芻字駒父議
論見詩話文集

廣漢張氏名震字真父
議論見文集

東萊呂氏名祖謙字伯恭
議論見文集

永嘉陳氏名傳良字君舉
議論見文集

廬陵楊氏名萬里字庭秀
議論見文集

梅溪王氏 名十朋字龜齡 議論見文集

洪氏 名邁字景盧 議論見文集

龍溪汪氏 名藻字彥章撰柳公永 州祠堂記餘議論見集

曹氏 名輔撰 祭公文

黃氏 名翰有 祭公文

許氏 名尹有 祭公文

文氏 名安禮撰柳 文年譜後序

李氏 名概撰柳 文後序

欽定四庫全書

五百家註柳先生集 柳論訓詁諸儒名氏

三山林氏 名之奇字少穎 議論見漢唐龜鑑

眉山程氏 名敦厚字子山著韓柳意 釋餘議論見金華文集

臨邛宋氏 名遠孫字仲山 議論見語錄及文集

橫浦張氏 名九成字子韶 議論見漢唐贈及唐史摘實

屏山劉氏 名子輦字彥冲 議論見與論文集

歷陽張氏 名孝祥字安國 議論見文集

永嘉葉氏 名適字正則 議論見唐鈔

西山邵氏 名博字公濟 議論見文集

箕山晁氏 名公遯字子 西議論見集

邛南計氏 名有功字 敏夫議論

廣漢何氏 名耕字道夫 議論柳文

觀堂劉氏 名望之字夷叔 議論見文集

眉山劉氏 名觀字中 速議論

眉山李氏 名熹字仁甫 議論

資中李氏 名石字知幾撰柳文後 序餘議論見方舟文集

恭南馮氏 名時行字當可 議論見婚雲文集

欽定四庫全書

五百家註柳先生集 柳論訓詁諸儒名氏

陵陽喻氏 名汝礪字迪孺 議論見離文

導江王氏 名咨字夢得 議論見雪齋文集

洪川姜氏 名如晦字弼明 議論見月溪文集

眉山劉氏 名更字子有 議論見橫舟文集

李氏 名紫字清叔 議論

上舍黃氏 名唐著柳文 雖貴五十篇

鶴山呂氏 名東字伯陽 校正韓柳文

建安蔡氏 名夢弼字傳卿 增註韓柳文集